



ASUNTO: CONVENIO DE COLABORACIÓN ENTRE O CONCELLO DE PONTEVEDRA E A ASOCIACIÓN MÚSICO-CULTURAL "SAN MARTIÑO" DE SALCEDO, PARA O FOMENTO E SOSTEMIENTO DAS ACTIVIDADES MUSICAIS E CULTURAIS QUE DESENVOLVA A ASOCIACIÓN NO ANO 2016.

Nº EXPEDIENTE: 2016/SUBDIREC/000005

Na cidade de Pontevedra a 2 de xuño de 2016.

REUNIDOS:

Dunha parte, Excmo. Sr. Don. Miguel Anxo Fernández Lores, Alcalde do Concello de Pontevedra, en nome e representación do mesmo.

E, doutra parte, Don Manuel F. Gálvez Cabezudo con D.N.I. 35.303.550-E como Presidente da Xunta Directiva da Asociación Músico-Cultural "San Martiño" de Salcedo.

Ámbalas partes interveñen nas representacións expresadas e recoñécense recíprocamente capacidade bastante para a formalización do presente convenio, e a tal efecto,

EXPOÑEN:

1.-O presente Convenio ten por obxecto regular a colaboración do Concello de Pontevedra e a Asociación Músico-Cultural "San Martiño" de Salcedo, para o fomento e sostemento de actividades musicais e culturais da Asociación promovendo actuacións diante da cidadanía en xeral e divulgando a súa labor músico-formativa, a través da Banda de Música, Banda Xuvenil, Escola de Música e a Coral San Martiño o cal, ademais de ser consonte coa aspiración inherente a todo artista de poder dar a coñecer a súa obra, supón un estímulo para a mocidade integrante das distintas seccións da Asociación.

O Concello de Pontevedra pretende, mediante o presente Convenio de Colaboración coa Asociación Músico-Cultural San Martiño un dobre obxectivo: por unha parte favorecer a continuidade das actividades Banda de Música de Salcedo, da Escola de Música, da Banda xuvenil e da Coral de Salcedo. Fundada, como forma de manifestación artística claramente vencellada e arraigada ao longo do tempo á realidade da cultura pontevedresa e, por outro lado, propiciar o achegamento da cultura musical ao grosso da poboación.

2.- A Asociación Músico-Cultural "San Martiño", está inscrita na Subdelegación do Goberno de Pontevedra, no Rexistro de Asociacións co nº 1.770, e según se deriva do art. 2º dos seus Estatutos, ten entre os seus fins a promoción, formación, integración social e entretenimento dos socios da localidade, sen interese lucrativo algúin, labor que veñen desenvolvendo desde a súa creación no ano 1988, levando a cabo unha tarefa formativo-musical entre os xoves do municipio, a través das seccións Banda de Música, Escola de Música, Banda Xuvenil e Coral de San Martiño, a fin de integrálos na Banda de música da mesta, que representa unha das seccións más importantes da Asociación.

A Asociación Músico-Cultural "San Martiño" de Salcedo, ven colaborando desde fai anos coa Concellaría de Cultura do Excmo. Concello de Pontevedra, coa realización de diversos concertos no rural, concertos en festas e concertos de carácter socio-cultural.

3.- Pola súa parte o Concello, ó amparo do establecido na Lei 7/85 de 2 de abril, Reguladora das Bases do Régime Local, pode promover toda clase de actividades que contribúan a satisfacer as necesidades e aspiracións da Comunidade Veciñal e a tenor do sinalado no art. 23 do Regulamento de Servicios das Corporacións Locais, estas poderán conceder subvencións a entidades con actividades que complementen as atribuídas á competencia local.

En base ao exposto, e considerando o sinalado no art. 72 da Lei 7/85 citada, que determina que as Corporacións Locais favorecerán o desenvolvemento das Asociacións para a defensa dos intereses xerais ou sectoriais dos veciños, facilitándolle a máis ampla información sobre das súas actividades e, dentro das súas posibilidades, o uso dos medios públicos e o acceso ás axudas económicas para a realización das súas actividades, e considerando tamén o sinalado no art. 111 do RDL 781/86 de 18 de abril, polo que se aproba o Texto Refundido das disposicións legais vixentes en materia de régime local, pola que as Entidades Locais poderán concertar os pactos ou condicións que teñan por convínte, sempre que non sexan contrarios ó interés público, ó ordenamento xurídico e ós principios da boa administración, acordan celebrar o presente convenio de acordo coas seguintes:

ESTIPULACIONES:

PRIMEIRA:- OBXECTO

É obxecto do presente convenio establecer as condicións reguladoras da subvención directa que se outorga polo Concello de Pontevedra á Asociación Músico-Cultural "San Martiño" de Salcedo, para facilitar o desenvolvemento formativo dun colectivo de persoas na arte musical, a aprendizaxe da práctica instrumental ou/e vocal, proporcionando estas habilidades á cidadanía en xeral, mediante a realización de distintas actuacións e concertos públicos.

ACTIVIDADE SUBVENCIONADA E PERÍODO DE REALIZACIÓN

As actuacións da Asociación Músico-Cultural "San Martiño" de Salcedo segundo o convenio, consistirán única e exclusivamente en concertos, de modo que a colaboración do Concello ten a finalidade de facilitar a formación deste colectivo de persoas na práctica musical, mediante a plasmación do seu aprendizaxe nestas actuacións públicas ante a cidadanía.

Esta colaboración pretende facilitar non só a aprendizaxe destas persoas, senón acadar a integral formación musical mediante o desenvolvemento das súas capacidades en público ante a cidadanía de Pontevedra. Deste xeito, a Asociación realizará dez actuacións, cun calendario que se detalla a continuación que foi establecido de común acordo por ambas partes, e que para o presente exercicio, será o seguinte:

5 de xaneiro de 2016	Cabalgata de Reis
19 de marzo de 2016	Concerto de Primaveira
17 de maio de 2016	Actuación Día das Letras Galegas
25 de xuño de 2016	Concerto da Coral no Ciclo de Bandas
3 de xullo de 2016	Concerto Banda de Música no Ciclo de Bandas
9 de xullo de 2016	Concerto da Banda Xuvenil no Ciclo de Bandas
12 de agosto de 2016	Concerto Man a Man
15 de agosto de 2016	Concerto de Santa María
23 de Agosto de 2016	Concerto na Praza de José Martí día de San Bartolomeu
30 de Agosto de 2016	Actuación na Xuntanza anual "Amigos de Campolongo".

A colaboración do Concello para o desenvolvemento destes concertos, levou a elaboración deste calendario de actuacións que foi establecido de común acordo por ambas partes, reservándose o Concello de Pontevedra a supervisión, disposición e control sobre as actuacións. Como xa se manifestou anteriormente esta colaboración plásmase na divulgación das actividades músico-formativas dos integrantes da entidade mediante estas actuacións ante a cidadanía de Pontevedra, coa finalidade de facilitar a formación a este colectivo de cidadáns na realización da práctica instrumental por medio destes concertos.

A subvención se outorga de conformidade coas disposicións da Lei 38/2003, de 17 de novembro, xeral de subvencions, Real Decreto 887/2006, Lei 9/2007, de 13 de xuño de subvencions de Galicia e da Ordenanza xeral de subvencions do Concello de Pontevedra e os seus organismos autónomos, aprobada polo Pleno da corporación municipal, na sesión do 17.09.2004 (BOP nº190 do 30/09/2004).

SEGUNDA:- IMPORTE DA SUBVENCIÓN

O Excmo. Concello de Pontevedra, como achega económica aportará a cantidade máxima de TRINTA E DOUS MIL SEISCENTOS VINTECINCO EUROS (32.625,00 €), sempre e cando se xustifique que tal importe ascenda, cando menos, ao 50% do custo da actividade a que se aplica, pois en caso de ser esta inferior, a subvención, verase aminorada nunha porcentaxe que non excederá o seu 50%, tal e como establece o art. 5.g) da Ordenanza Xeral de Subvencions do Concello de Pontevedra e os seus Organismos Autónomos e en calquera caso pagadoiros logo da xustificación da totalidade das actuacións, cos requisitos esixidos na mentada Ordenanza vixente., consistente en:

A subvención outorgada polo Concello é compatible con outras axudas, ingresos ou recursos públicos



ou privados para a mesma finalidade. Neste caso, na xustificación da subvención deberá acreditarse o importe, procedencia e aplicacións dos fondos percibidos á actividade subvencionada.

O importe da subvención en ningún caso poderá ser de tal contía que, illadamente ou en concorrencia con subvencións ou axudas doutras administracións públicas ou doutros entes públicos ou privados, supere o custo total da actividade subvencionada.

Faise constar expresamente que o persoal da Asociación Músico-Cultural "San Martiño" de Salcedo e en calquera das súas seccións non ten ningún tipo de relación laboral co Concello de Pontevedra. Asumindo a mentada Asociación a condición de entidade organizadora das actuacións da súa Banda de Música ou de calquera outra actividade das súas seccións de xeito que resulte aquela a entidade responsábel do cumprimento das obrigas laborais e fiscais do persoal da Banda sen que a Administración Municipal teña vinculación profesional, laboral, contractual ou administrativa algunha nin responsabilidade ao respecto nin de abono de cantidade algúnhia para cubrir calquera risco, dano ou eventualidade.

TERCEIRA.- OBRIGAS DO BENEFICIARIO

A entidade Asociación Músico-Cultural "San Martiño" de Salcedo comprométese a destinar a subvención ao desenvolvemento da actividade descrita e está obrigada a destacar en lugar preeminente a colaboración económica ou patrocinio do Concello de Pontevedra, tanto nos libros, folletos, carteis, informacións, material e documentación en xeral, así como nos anuncios de difusión das actividades.

A entidade Asociación Músico-Cultural "San Martiño" de Salcedo ten a condición de organizadora e promotora exclusiva da actividade subvencionada, limitándose a colaboración do Concello a achegada subvención comprometida. Esta administración está eximida de calquera responsabilidade civil que poida derivarse da realización dos concertos.

A entidade beneficiaria poderá contratar os gastos que sexan necesarios para a realización por si mesma da actividade subvencionada, pero non poderá subcontratar con terceiros a execución total ou parcial da actividade para a que se outorga a subvención.

CUARTA.- COMPROBACIÓN DAS SUBVENCIÓNS

Para o seguimento das actuacións previstas e a solución de calquera controversia que xurda en canto á interpretación dos termos do presente convenio, constitúese unha Comisión de Seguimiento integrada polo alcalde ou concelleiro/a no que delegue e o presidente da asociación.

No exercicio das funcións de fiscalización e control do destino dos fondos públicos a entidade beneficiaria facilitará canta información lle sexa requirida polo Tribunal de Cuentas e polo Consello de Contas de Galicia. Neste senso, a súa actuación estará sometida á esixencia de responsabilidade contable nos termos e co alcance que determine, no seu caso, o axuizamento dos anteriores órganos.

QUINTA.- GASTO SUBVENCIONABLE

Consideraranse gastos subvencionables aqueles que de maneira indubidable respondan á natureza da actividade subvencionada e se realicen con anterioridade á finalización do período de xustificación.

Os custos indirectos imputaranse á actividade subvencionada na parte que razoablemente corresponda e na medida en que estean relacionados de maneira indubitada e se realicen no período en que se desenvolva a actividade.

SEXTA.- XUSTIFICACIÓN DA SUBVENCIÓNS

A entidade beneficiaria está obrigada a presentar no rexistro xeral do Concello a documentación xustificativa da subvención no prazo de 3 meses dende o remate da actividade.

En todo caso, o prazo máximo para presentar esa xustificación será o de 31.10.2016. No caso de incumprimento do calendario das actividades conveniadas e a súa xustificación ou a extinción do convenio por causa distinta a expiración polo período de vixencia, tal e como establecen os arts. 6.3g) da Lei 30/1992, do 26 de novembro, de Régime Xurídico das Administracións Públicas e do Procedemento Administrativo Común (LRX-PAC) e os arts. 199.f) e g) da Lei 5/1997, do 22 de xullo, de Administración Local de Galicia, minorarase proporcionalmente a cantidade a percibir pola Asociación.

A contía conveniada representa a porcentaxe máxima subvencionable, que será reducida no suposto de que non xustifiquen gastos por ese importe ou superior. En calquera caso a Asociación musical Cultural de San Martiño deberá xustificar o dobre da cantidade subvencionada.

O tipo de xustificación será conta xustificativa con achega de xustificantes de gasto adaptada ao disposto no presente convenio.

A documentación a presentar será a seguinte:

- Memoria xustificativa das actividades subvencionadas que deberá estar asinada
- Xustificación documental do gasto: facturas ou demás documentos de valor probatorio equivalente (deberase achegar o orixinal e unha copia de cada unha das facturas e/ou outros documentos que se presenten)
- Certificacións acreditativas de estar ao corrente coas Facendas estatal, autonómica e coa Seguridade Social.
- Relación desagregada de todos os gastos (con indicación das facturas ou dos documentos xustificativos dos gastos).
- Relación total de ingresos da actividade subvencionada
- Declaración doutras subvencións recibidas para o mesmo fin e contía das mesmas en ningún caso poderá ser de tal contía que illadamente ou en concorrencia con outras subvencións ou axudas de outras Administracións Públicos ou outros entes públicos ou privados, supere o custo total da actividade a desenvolver polo beneficiario.
- Declaración xurada do beneficiario que acredite que as facturas que se presentan como xustificantes, foron aplicadas á actividade subvencionada.
- Un exemplar de toda a documentación impresa xerada pola actividade, que acredite a participación do Concello de Pontevedra.
- Declaración responsable de non estar incuso nas prohibicións para obter a condición de beneficiario.

As facturas xustificativas da subvención deberán cumplir os requisitos establecidos no Regulamento polo que se regulan as obrigas de facturación, aprobado polo Real Decreto 1619/2012, estarán datadas no período subvencionable e conterán o selo de pagado ou xustificación documental que acredite o seu pago. Deberá achegarse pola beneficiaria a xustificación documental do pago, e, no caso de que ésta non poida presentarse coa conta xustificativa, deberá de acreditarse o pagamento no prazo de 10 días dende o abono da subvención pola Tesourería Municipal, ao abeiro do establecido no art. 18.2 da Ordenanza xeral de subvencións do Concello.

Así mesmo, segundo a Lei 7/2012 de 29 de outubro, non poderán pagarse en efectivo as operacións de importe igual ou superior a 2.500,00 €, polo que, o pagamento destas operacións acreditarase co correspondente xustificante de transferencia bancaria.

SÉTIMA.- VIXENCIA

O presente convenio de colaboración entrará en vigor no intre da súa sinatura e terá unha vixencia limitada ao presente exercicio. As actividades e xustificacións de gastos terán que referirse ao ano como período completo. O procedemento rematará coa resolución que aprobe a xustificación da subvención do Concello.

Serán causas de extinción deste Convenio a realización do seu obxecto, a inviabilidade da realización da actuación pretendida por causas non imputables ás partes, así como o incumprimento total ou parcial de calquera das súas cláusulas, mediando neste caso denuncia previa das partes asinantes.


OITAVA.- ANTICIPO

Non cabe, neste convenio posibilidade de anticipo.

E estando ámbalas partes de acordo co contido deste documento, o asinan no lugar e data sinalados


Miguel A. Fernández Lores

PRESIDENTE XUNTA DIRECTIVA
ASOCIACIÓN MÚSICO-CULTURAL
SAN MARTIÑO DE SALCEDO


Manuel F. Gálvez Cabezudo